

Cyngor Sir CEREDIGION County Council

ADRODDIAD I'R: Pwyllgor Trosolwg a Chraffu Cymunedau Iachach

DYDDIAD: 6 Hydref 2021

LLEOLIAD: Siambr y Cyngor, Penmorfa

TEITL: Gwasanaethau Arbenigol Porth Cynnal (Plant ac Oedolion)

ADRODDIAD RHEOLI PERFFORMIAD Y GWASANAETH ADOLYGU ANNIBYNNOL Chwarter 4 2020 - 2021

**PWRPAS YR
ADRODDIAD:** Monitro cynnydd Plant sy'n Derbyn Gofal drwy waith craffu Swyddogion Adolygu Annibynnol o'u cynlluniau a'u lleoliadau yn ystod pedwerydd chwarter 2020/2021. Mae'r wybodaeth hon yn cynorthwyo'r Aelodau i gyflawni eu swyddogaethau fel Rhieni Corfforaethol.

**RHESWM Y MAE'R
PWYLLGOR CRAFFU
WEDI GOFYN AM Y
WYBODAETH HON:** I sicrhau bod yr Awdurdod Lleol a'r Aelodau yn gallu cyflawni eu dyletswyddau fel Rhieni Corfforaethol.

CEFNDIR:

Atodir Adroddiad y Gwasanaeth Adolygu Annibynnol ar gyfer Chwarter 4 2020/2021.

Caiff adroddiadau chwarterol eu rhoi gerbron y Pwyllgor Trosolwg a Chraffu Cymunedau Iachach fel rhan o'r ystyriaeth barhaus o'r pwnc i sicrhau bod yr Awdurdod Lleol yn cyflawni ei ddyletswyddau fel y Rhiant Corfforaethol.

Mae'r adroddiad hwn yn cynnwys y safonau a'r targedau cenedlaethol a lleol a ddefnyddir i fesur y canlyniadau ar gyfer plant sy'n derbyn gofal a phlant sydd wedi gadael gofal adeg eu cyfarfod adolygu, ac mae'n cynnwys Dangosyddion Perfformiad Llywodraeth Cymru.

Ar sail y wybodaeth sydd ar gael a'r hyn a fynegwyd yn ystod y cyfarfod adolygu, daw'r Swyddog Adolygu Annibynnol i farn broffesiynol ynghylch effeithiolrwydd cynllun gofal y plentyn/ person ifanc o ran bodloni ei anghenion, a gall argymhell newidiadau i'r cynllun gofal.

Yn ystod y cyfarfod adolygu bydd y Swyddog Adolygu Annibynnol yn ystyried a oes angen cymorth ar y plentyn/ person ifanc i nodi pobl eraill berthnasol er mwyn iddynt roi cyngor cyfreithiol/ cymryd camau ar ei ran. Roedd y Swyddog Adolygu Annibynnol o'r farn nad oedd angen cymryd y cam hwn ar gyfer unrhyw blentyn yn ystod y cyfnod dan sylw.

Yn ogystal, mae'r Swyddog Adolygu Annibynnol yn ystyried a oes unrhyw dramgwydd yn erbyn hawliau dynol y plentyn/ person ifanc a gallai gyfeirio'r achos at CAFCASS Cymru. Ni chododd yr angen i wneud hynny mewn unrhyw adolygiad yn ystod y cyfnod hwn.

Mae'r adroddiadau hyn yn cael eu hystyried o fewn Cyfarfodydd Sicrhau Ansawdd Amlasiantaethol 'Plant sy'n Derbyn Gofal' sy'n cwrdd bob chwarter; mae'r cyfarfodydd hyn yn gyfle i nodi a gweithredu ar berfformiad a materion eraill yn ymwneud â'r maes gwaith hwn.

Mae'r adroddiadau hyn hefyd yn cael eu cylchredeg a'u hadolygu gan Grŵp Rhianta Corfforaethol yr Awdurdod Lleol dan gadeiryddiaeth y Cynghorydd Alun Williams, Aelod Cabinet ar gyfer Gwasanaethau Plant a Diwylliant, a chynhelir y cyfarfodydd hyn bob chwarter.

CRYNODEB O'R PRIF BWYNTIAU:

- Ar ddiwedd y Chwarter hwn, sef Chwarter 4, ar 31 Mawrth 2021, roedd 85 o blant yn derbyn gofal gan yr Awdurdod Lleol. Mae hyn yn gynydd o ran nifer y plant sy'n derbyn gofal. Ar ddiwedd Chwarter 3 roedd 79 o blant yn derbyn gofal.
- Adolygwyd 58 o blant yn y chwarter hwn. Adolygwyd 89.7% o fewn yr amserlen statudol.
- Dychwelwyd un plentyn adref i'r teulu yn ystod y chwarter hwn, o'i gymharu â phedwar plentyn yn Chwarter 3.
- Roedd y ddarpariaeth o ran lleoli'r plant a adolygwyd yn y chwarter hwn yn amrywio o 20 a leolwyd mewn Darpariaeth Gofal Maeth Awdurdod Lleol, 12 a leolwyd gyda theulu, 9 a leolwyd gyda rhieni, 8 mewn Darpariaeth Gofal Maeth Annibynnol, 3 mewn gofal preswyl a 3 gyda gofalwyr sy'n berthnasau.
- O blith y plant a adolygwyd yn y chwarter hwn, cafodd 87.9% ohonynt ymweliad statudol.
- Roedd 32 o blant a adolygwyd yn destun Gorchymyn Gofal Llawn, roedd 16 yn destun Gorchymyn Gofal Dros Dro, 1 yn destun Gorchymyn Lleoli ac roedd 9 o dan statws cyfreithiol Adran 76.
- Cofnodwyd bod 100% o'r cynlluniau gofal a chymorth yn diwallu anghenion y plant/pobl ifanc a adolygwyd yn y chwarter hwn.
- Nifer a chanran y plant (o ddealltwriaeth ddigonol) a fu'n ymwneud â'u hadolygiad neu yr ymgynghorwyd â nhw, oedd 100%.
- Nifer a chanran y plant a gafodd wybod am eu hawl i gael gwasanaeth eiriolaeth, oedd 100%.
- Canran y bobl ifanc a oedd yn gymwys i gael Cynllun Llwybr ac sydd gydag un ar waith, ac ymgynghorydd personol i'w cefnogi, yw 100%.
- Cwblhawyd 25 o Adolygiadau Cynllun Llwybr yn y chwarter hwn. Cwblhawyd 80% o fewn yr amserlen.
- Dangosodd 96% o'r Adolygiadau a wnaed fod y Cynlluniau Llwybr a oedd ar waith yn diwallu anghenion y bobl ifanc.
- Roedd 80% o'r Adolygiadau Cynllun Llwybr a wnaed naill ai'n cynnwys cynrychiolaeth o farn y person yn yr adolygiad neu roedd y person ifanc yn bresennol yn ei adolygiad.

**A wnaed Asesiad Effaith
Integredig? Os naddo, nodwch
pam**

Naddo

Crynodeb:

Caiff yr adroddiad hwn ei ddarparu'n rheolaidd ac mae'n dangos y gwaith parhaus a wneir gyda Phlant sy'n Derbyn Gofal yng Ngheredigion.

**LLESIANT
CENEDLAETHAU'R
DYFODOL:**

Hirdymor:	Cael cydbwysedd rhwng anghenion tymor byr a chynllunio hirdymor at y dyfodol.
Integreiddio:	Effeithio'n gadarnhaol ar bobl, yr economi, yr amgylchedd a'r diwylliant a cheisio dod â budd i bob un ohonynt.
Cydweithio:	Cydweithio â phartneriaid eraill i gyrraedd y nod.
Cynnwys:	Cynnwys y rhai hynny sydd â diddordeb a chael eu safbwyntiau; ymgysylltu ac ymgynghori â rhanddeiliaid.
Atal:	Defnyddio adnoddau i atal problemau rhag codi neu waethygu.

ARGYMHELLIAD:

Nodi cynnwys yr adroddiad a'r gweithgarwch â'r Awdurdod Lleol.

RHESYMAU DROS YR ARGYMHELLIAD:

Er mwyn monitro dull llywodraethu gweithgarwch yr Awdurdod Lleol a'i asiantaethau partner ar gyfer Plant sy'n Derbyn Gofal.

Enw Cyswllt:**Siân Howys****Swydd:****Swyddog Arweiniol Corfforaethol: (Plant a Theuluoedd)****Dyddiad yr Adroddiad:****24 Mehefin 2021****Acronymau:**

IRO – Swyddog Adolygu Annibynnol
LAC – Plant sy'n Derbyn Gofal
CAFCASS – Gwasanaeth Cynghori a Chymorth i Blant a Theuluoedd
APR – Cofnodion Gweithredu a Chynnydd
PEP – Cynllun Addysg Bersonol
PI – Dangosyddion Perfformiad
CAMHS – Gwasanaethau Iechyd Meddwl Plant a'r Glasoed
NEET – Heb fod mewn addysg, gwaith na hyfforddiant
PRU – Yr Uned Cyfeirio Disgyblion

Cyngor Sir CEREDIGION County Council

Gwasanaeth Diogelu

Adroddiad Rheoli Perfformiad Gwasanaeth Adolygu Annibynnol

Chwarter 4: 1^{af} Ionawr 2021 – 31^{ain} Mawrth 2021



...yn gofalu i wneud gwahaniaeth
...taking care to make a difference

CYNNWYS		
TUDALEN:		
ADRAN UN:	CYFLWYNIAD	3
ADRAN DAU:	CYNLLUNIO GOFAL	4
ADRAN TRI:	YMGYNGHORI A CHYFRANOGI	22
ADRAN PEDWAR:	PROTOCOL DATRYS PROBLEMAU	25
ADRAN PUMP:	GWERTHUSO	25
ADRAN CHWECH:	CYNLLUN LLWYBR	26
ADRAN SAITH:	PRESWYL / (PLANT NAD YDYNT YN DERBYN GOFAL)	28
ADRAN WYTH:	SEIBIANT RHEOLAIDD	28
ADRAN NAW:	SEIBIANNAU BYR	28
ADRAN DEG:	GOFALWYR MAETH	29

ADRAN UN: CYFLWYNIAD

Mae'r adroddiad hwn yn rhoi gwybodaeth a gasglwyd gan y Gwasanaeth Sicrhau Ansawdd ac Adolygu Annibynnol er mwyn monitro perfformiad a sicrhau ansawdd y gwasanaethau i blant sy'n derbyn gofal, pobl sy'n gadael gofal, plant sydd mewn lleoliadau preswyl a'r plant hynny sy'n derbyn gofal seibiant a seibiannau byr. Mae'r wybodaeth yn seiliedig ar y ffurflenni monitro gaiff eu cwblhau gan y Swyddogion Adolygu Annibynnol yn dilyn pob cyfarfod adolygu yn ystod y chwarter hwn, ynghyd â gwybodaeth arall am berfformiad a gedwir gan y Gwasanaeth Plant a Theuluoedd.

MEINCNODI

Mae'r adroddiad hwn yn cynnwys y mesurau a'r targedau cenedlaethol a lleol a ddefnyddir i fesur y canlyniadau ar gyfer plant sy'n derbyn gofal a phlant sy'n gadael gofal adeg eu cyfarfod adolygu.

Ar sail yr wybodaeth sydd ar gael a'r hyn a fynegir yn ystod y cyfarfod adolygu, daw'r Swyddog Adolygu Annibynnol i farn broffesiynol ynghylch effeithiolrwydd cynllun gofal y plentyn/person ifanc o ran bodloni ei anghenion, a bydd yn tynnu sylw rheolwyr at unrhyw arferion gwael.

Yn ystod y cyfarfod adolygu bydd y Swyddog Adolygu Annibynnol yn ystyried a oes angen cymorth ar y plentyn/person ifanc i adnabod pobl eraill berthnasol er mwyn cael cyngor cyfreithiol/cymryd camau ar ei ran. Roedd y Swyddog Adolygu Annibynnol o'r farn nad oedd angen cymryd y cam hwn ar gyfer unrhyw blentyn yn ystod y cyfnod dan sylw.

Yn ogystal, mae'r Swyddog Adolygu Annibynnol yn ystyried a oes unrhyw dramgwydd yn erbyn hawliau dynol y plentyn/person ifanc ac, os oes, gallai atgyfeirio'r achos at CAFCASS Cymru. Nid oedd angen y cymryd y cam hwn yn unrhyw un o'r cyfarfodydd adolygu yn ystod y cyfnod.

Ar gyfer unrhyw ymholiad neu sylw, cysylltwch â:

Elizabeth Upcott
Gwasanaeth Diogelu
Penmorfa,
Aberaeron
SA46 0PA

ADRAN DAU
CYNLLUNIO GOFAL

1. Prif Ffigurau ar gyfer Chwarter 4:

Nifer y Plant sy'n Derbyn Gofal	Cyfanswm
31 ^{ain} Rhagfyr 2020	79
31 ^{ain} Mawrth 2021	85


2. Nifer a chanran yr Adolygiadau o Blant sy'n Derbyn Gofal a gynhaliwyd o fewn y terfynau amser statudol.

Targed a Bennwyd 100% - Targed a gyflawnwyd 89.7%


Adolygwyd 58 o blant o fewn y Chwarter.

- Cynhaliwyd 52 (89.7%) Cyfarfod Adolygu o fewn y gofynion statudol.
- Cynhaliwyd 6 (10.3%) Cyfarfod Adolygu y tu allan i ofynion statudol; roedd y rhesymau a gofnodwyd fel a ganlyn: -
 - Gohiriwyd adolygiad grŵp brodyr a chwiorydd 3 plentyn oherwydd absenoldeb Swyddog Adolygu Annibynnol.
 - Gohiriwyd adolygiad 1 plentyn arall oherwydd argaeledd gweithwyr cymdeithasol.
 - Bu oedi cyn hysbysu bod 2 blentyn arall yn Derbyn Gofal.

	Ion- Maw 2021	Hyd- Rhag 2020	Gorff- Medi 2020	Ebrill - Meh 2020	Ion - Maw 2020
Nifer y plant a adolygwyd yn ystod y chwarter	58	60	41	62	48
Nifer yr adolygiadau a gynhaliwyd o fewn y terfynau amser	52	60	38	60	47
Nifer yr adolygiadau a gynhaliwyd y tu hwnt i'r terfynau amser	6	0	3	2	1




3. Oed a Rhyw'r Plant a Adolygwyd yn ystod y Chwarter:



4. Natur Lleoliadau'r Plant a Adolygwyd yn ystod y Chwarter hwn:


Math o Leoliad	Yn y Sir	Tu allan i'r Sir	Cyfanswm
Gofalwyr Maeth yr Awdurdod Lleol	19	1	20
Lleoliad â Theulu	12		12
Wedi'i leoli â Rhieni	8	1	9
Gofalwyr Asiantaeth Maethu Annibynnol (AMA)	2	6	8
Gofalwyr sy'n Berthnasau	1	2	3
Preswyl		3	3
Preswyl Mam a Baban		2	2
Gofalwyr Maeth Asiantaeth Maethu Annibynnol ar gyfer Rhiant a Babi (AMA)	1		1
Mabwysiadu			
Llety â Chymorth			
Ysbyty			
Byw'n Annibynnol			
	43	15	58

Lleoliadau ar gyfer Plant sy'n Derbyn Gofal a adolygwyd yng Ngheredigion
Chwarter 4 2020/2021




5. Statws Cyfreithiol y Plant a Adolygwyd yn ystod y Chwarter hwn:

Statws Cyfreithiol y Plant a Adolygwyd	
Gorchymyn Gofal Llawn	32
Gorchymyn Gofal Interim	16
Gorchymyn Lleoli	1
Adran 76	9
Cyfanswm	58



6. Y Rhesymau pam fod y Plant a Adolygwyd wedi Gadael Gofal

Cyfnod	Y nifer sydd wedi gadael gofal	Y rheswm dros adael gofal				
		<i>Mabwysiadu</i>	<i>Dychwelyd adref at y teulu</i>	<i>'Pan rwyf yn barod'</i>	<i>Diddymu'r Gorchymyn Gofal</i>	<i>Llety â Chymorth / Byw'n Annibynnol</i>
1 Ionawr hyd 31 Mawrth 2021	4	3	1	-	-	-
1 Hydref hyd 31 Rhagfyr 2020	6	0	4	1	1	-
1 Gorffennaf hyd 30 Medi 2020	7	1	4	-	-	2
1 Ebrill hyd 30 Mehefin 2020	2	0	0	1	0	1
Cyfanswm	19	4	9	2	1	3



7. Nifer a chanran y Plant sy'n Derbyn Gofal sydd â Gweithiwr Cymdeithasol dynodedig.


Targed a Bennwyd 100% - Targed a gyflawnwyd 100.0%

- Cofnododd 58 (100.0%) Adolygiad fod Gweithiwr Cymdeithasol cymwys wedi'i ddyrannu ac yn ymwneud yn weithredol â'r plentyn.

8. Nifer a chanran yr ymweliadau statudol â Phlant sy'n Derbyn Gofal o dan adolygiad a gynhaliwyd yn unol â'r terfynau amser gofynnol.

Targed a Bennwyd 100% - Targed a gyflawnwyd 87.9%

- Cafodd 51 (87.9%) o Blant sy'n Derbyn Gofal ymweliadau gan Weithiwr Cymdeithasol yn unol â'r gofynion statudol.
- Ni chafodd 7 (12.1%) o Blant sy'n Derbyn Gofal ymweliadau gan Weithwyr Cymdeithasol yn unol â'r gofynion statudol.




Chwarter 4 - 1/1/21-31/3/21 - Adroddiad y Gwasanaeth Adolygu Annibynnol a Sicrhau Ansawdd

Sylw: Dyma ganran yr ymweliadau a gynhaliwyd lle gwelwyd plant, ond mewn 7 o'r achosion cynhaliwyd yr ymweliadau stat ond ni chawsant eu cofnodi ar y system.

9. Nifer a chanran y Cynlluniau Gofal a Chymorth (Rhan 6) a oedd wedi'u sefydlu erbyn dyddiad y lleoliad cyntaf a'r cynlluniau cyfredol a oedd ar gael ar gyfer yr Adolygiad.

Targed a Bennwyd 100% - Targed a gyflawnwyd 72.7%

- Gwnaethpwyd 11 o leoliadau newydd ar gyfer plant sy'n derbyn gofal yn ystod y chwarter hwn; Cofnododd 8 (72.7%) cyfarfod adolygu fod gan y plentyn / person ifanc Gynllun Gofal a Chymorth (Rhan 6) ar waith erbyn dyddiad ei (l)leoliad.
- Ar gyfer 1 plentyn a grŵp brodyr a chwirydd o 2, nid oedd y Cynllun Gofal a Chymorth ar waith yn ôl dyddiad y lleoliad cyntaf; fodd bynnag, roedd y Cynllun Gofal a Chymorth ar waith ar adeg yr adolygiad ar gyfer pob un o'r 3 phlentyn / person ifanc.



- Nododd y Swyddog Adolygu Annibynnol fod angen diweddariadau i gofnodion Cynllun Gofal a Chymorth (Rhan 6) 3 phlentyn.

Sylw: Bellach cadarnheir bod y Cynllun Gofal a Chymorth ar gyfer pob un o'r 3 phlentyn wedi'i ddiweddarau ers yr adolygiad.


10. Nifer a chanran y Plant sy'n Derbyn Gofal sydd â Chynllun Parhad wedi'i sefydlu erbyn yr ail adolygiad os na chynlluniwyd ar gyfer dychwelyd adref.

Targed a Bennwyd 100% - Targed a gyflawnwyd 100.0%


- Roedd 11 ail adolygiad yn ystod y chwarter hwn, cofnododd pob un o'r 11 adolygiad (100.0%) fod Cytundeb Parhad wedi'i gytuno. Mae hyn yn gyson â'r chwarter blaenorol.
- Cofnodwyd pryderon gan y Swyddog Adolygu Annibynnol mewn 4 (6.9%) adolygiad yn y cyfnod hwn ynghylch cynnydd y Lleoliad / Cynllun Gofal a Chymorth / Cynllun Parhad.

Dyma oedd natur y pryderon: -


- Diffyg adnoddau oherwydd y ffaith bod penderfyniad wedi'i wneud bod angen dod o hyd i leoliad amgen ar gyfer 1 person ifanc er mwyn rhoi cyfle iddo/iddi ddatblygu annibyniaeth yn y dyfodol.
- Oedi wrth ddatblygu Gwarchodaeth Arbennig ar gyfer 1 person ifanc.
- Diffyg adnoddau wrth symud ymlaen â'r cynllun Mabwysiadu ar gyfer 1 person ifanc.
- Mae angen cytuno ar Gynllun Parhad ar gyfer 1 person ifanc arall.



11. Hyd yr Amser mewn Gofal:



12: Natur y Cynlluniau Parhad:




13. Nifer a chanran y Plant sy'n Derbyd Gofal a gafodd Ofal Seibiant gan rywun heblaw am eu Prif Ofalwyr

- Nododd 0 (0.0%) Adolygiad fod y plentyn / pobl ifanc yn cael gofal seibiant i ffwrdd oddi wrth eu prif ofalwyr.

14. Nifer a chanran y bobl ifanc gymwys oedd â Chynllun Llwybr yn unol â'r gofynion.

Targed a bennwyd: 100% Targed a gyflawnwyd 100.0%

- Cofnododd pob un o'r 8 (100.0%) o Bobl Ifanc fod Cynllun Llwybr ar waith a dyrannwyd Ymgynghorydd Personol iddynt.



15. Nifer a chanran y Plant sy'n Derbyd Gofal (o oedran a lefel dealltwriaeth briodol) sy'n deall y rhesymau pam eu bod yn derbyn gofal.

Targed a Bennwyd 100% - Targed a gyflawnwyd 100.0%

- Mae'r data ar gyfer y dangosydd perfformiad hwn yn ymwneud â 39 plentyn / person ifanc oherwydd ystyriwyd nad oedd 19 o'r plant / pobl ifanc yn ddigon hen nac yn meddu ar ddigon o grebwyll i ddeall pam eu bod yn derbyn gofal.
- Roedd 39 (100%) yn y grŵp hwn yn dangos rhyw fath o ddealltwriaeth pam eu bod yn derbyn gofal gan rywun heblaw am eu teuluoedd, o gymharu â 96.2% yn y chwarter blaenorol. Adroddwyd bod angen rhoi eglurhad pellach i 1 Plentyn.

16. Nifer a chanran y Plant sy'n Derbyn Gofal (fel y bo'n briodol o ran eu hoedran a'u crebwyll) a oedd yn deall eu Cynlluniau Gofal a Chymorth.

Mae'r data ar gyfer y dangosydd perfformiad hwn yn ymwneud â 41 plentyn / person ifanc oherwydd ystyriwyd nad oedd 17 o'r plant / pobl ifanc yn ddigon hen nac yn meddu ar ddigon o grebwyll ac felly fe'u diystyriwyd o'r ffigyrau.

- Roedd 40 (97.6%) yn y grŵp hwn yn dangos rhyw fath o ddealltwriaeth o'r hyn a oedd yn eu Cynlluniau Gofal a Chymorth (Rhan 6).
- Mewn 1 (2.4%) adolygiad cofnodwyd bod hyn yn aneglur ac yn ddarn o waith a oedd angen ei wneud gyda'r person ifanc.

17. Mesur Cenedlaethol 33: Nifer a chanran yr achosion o symud Plant sy'n Derbyn Gofal.

- Nododd 11 (19.0%) Adolygiad fod newid yn lleoliad plentyn/person ifanc yn ystod y chwarter hwn; mae hyn yn cymharu â 15.0% yn y chwarter blaenorol.

Dyma oedd y rhesymau dros newid y lleoliadau:

- Symudodd 1 person ifanc o leoliad Rhiant a Phlentyn Gyda'i Gilydd i Leoliad Gofal Maeth Mam a Baban i'w asesu ymhellach.
- Symudodd 2 frawd neu chwaer o Leoliad Gofal Maeth Mam a Baban i Leoliad Preswyl Rhiant a Phlentyn Gyda'i Gilydd i'w hasesu.
- Symudodd 2 frawd neu chwaer o leoliad maethu tymor byr i leoliad maethu hirdymor.
- Symudodd 2 frawd neu chwaer o leoliad maethu tymor byr i leoliad hirdymor â theulu.
- Symudodd 1 person ifanc o Leoliad Maethu Mam a Baban i Leoliad gyda Rhiant.
- Symudodd 1 person ifanc o leoliad brys i leoliad maethu tymor byr.
- Symudodd 1 person ifanc o leoliad tymor byr a oedd yn anaddas i leoliad tymor byr arall.
- Symudodd 1 person ifanc o leoliad preswyl i leoliad preswyl arall yn gynnig Gofal Therapiwtig.

18 Nifer a chanran y cynlluniau lleoli (gan gynnwys darpariaeth addysg ac iechyd) yr aseswyd eu bod yn bodloni anghenion Plant sy'n Derbyng Gofal.

Targed a Bennwyd 100% - Targed a gyflawnwyd 100.0%

- Cofnodwyd bod 58 (100.0%) o gynlluniau lleoli/gofal a chymorth yn bodloni anghenion y plant / pobl ifanc; mae hyn yn gyson â'r chwarter blaenorol. Nododd 6 adolygiad, fodd bynnag, y canlynol: -
 - Daeth yn amlwg yn ystod yr adolygiad ar gyfer grŵp o 2 frawd neu chwaer nad oedd y Contract disgwyliadau yn cael ei gadw mewn perthynas â threfniant cludo, bydd hyn cael ei drafod gyda Rheolwyr.
 - Mae'r lleoliad yn diwallu anghenion i raddau; fodd bynnag, mae lleoliad pellach wedi'i nodi bellach ar gyfer person ifanc i hybu hunanofal a sgiliau byw mewn lleoliad therapiwtig.
 - Person ifanc yn treulio mwy o amser gyda rhiant arall gan fod y rhiant yn gweithio oriau hir.
 - Er bod y lleoliad yn diwallu'r anghenion, mae angen nodi lleoliad maethu hirdymor pellach a fydd yn cynnig lleoliad unigol neu sydd â phlant llawer hŷn yn eu harddegau yn unol ag addasrwydd ar gyfer gofynion parhaus a nodwyd ar gyfer y person ifanc o ran lleoliad.
 - Mae person ifanc yn dal i ddangos ymddygiad pryderus sy'n parhau i gael ei drafod mewn cyfarfodydd bob mis i adolygu lleoliadau.

19. Nifer a chanran y pryderon diogelu a nodwyd mewn perthynas â Phlant sy'n Derbyng Gofal yn ystod y chwarter hwn.

- Nododd 5 (8.6%) Adolygiad bryderon diogelu i'r person ifanc; cadarnhawyd bod y pryderon yn cael sylw.


20. Nifer y Plant sy'n Derbyng Gofal a enwir ar y Gofrestr Amddiffyn Plant.

- Cadarnhaodd 10 (17.2%) adolygiad fod enw'r person ifanc wedi'i gynnwys ar y Gofrestr Amddiffyn Plant.

21. Nifer a chanran y Plant sy'n Derbyng Gofal a gafodd Asesiadau Iechyd yn unol â'r gofynion statudol

Targed a Bennwyd 100%- Targed a gyflawnwyd 94.8%

- Adroddwyd yn eu hadolygiad fod gan 55 (94.8%) Plentyn/Person Ifanc sy'n derbyn gofal asesiad iechyd cyfredol, sy'n cymharu â 100.0% yn y chwarter blaenorol.



Sylw: Roedd gan y 3 phlentyn asesiad iechyd wedi'i gwblhau erbyn 19^{eg} Mawrth 2021. Roedd un y tu allan i terfynau amser statudol oherwydd tîm iechyd lletyol plant sy'n derbyn gofal ac roedd 2 oherwydd hysbysiad hwyr o ddod yn blant sy'n derbyn gofal.

22. Canran y plant a oedd wedi'u cofrestru gyda deintydd o fewn 20 diwrnod gwaith ar ôl cael eu derbyn i ofal

Targed a bennwyd: Targed 100% a gyflawnwyd 81.8%

Wedi'u cofrestru gyda deintydd

Mae'r data ynghylch y plant / pobl ifanc a oedd wedi'u cofrestru gyda deintydd o fewn 20 diwrnod gwaith ar ôl cael eu derbyn i ofal yn ymwneud ag 11 plentyn / person ifanc.

- Cofnododd 9 (81.8%) adolygiad fod y plentyn / person ifanc wedi'i gofrestru gydag ymarferydd deintyddol cyn pen 20 diwrnod gwaith ar ôl dechrau'r lleoliad.
- Cofnododd 2 (18.2%) adolygiad nad oedd y plentyn / person ifanc wedi'i gofrestru gydag ymarferydd deintyddol cyn pen 20 diwrnod ar ôl dechrau'r lleoliad

Sylw: Ar hyn o bryd nid yw 2 blentyn wedi'u cofrestru gyda'r deintydd a chânt eu hatgyfeirio at y Gwasanaeth Deintyddol Cymunedol ar ôl iddynt ddychwelyd i'r ardal.

Wedi'u cofrestru gyda deintydd

Mae'r data ar gyfer y dangosydd perfformiad hwn yn ymwneud â 47 o Blant / Pobl Ifanc gan fod 11 o blant / pobl ifanc a gafodd Adolygiad cyntaf i blant sy'n derbyn gofal wedi'u diystyru i gyd-fynd â gofynion y Mesur Cenedlaethol.

- Roedd 41 (87.2%) o blant a phobl ifanc wedi'u cofrestru gyda deintydd. Mae hyn yn cymharu â 94.1% yn y chwarter blaenorol.
- Nid oedd 6 (12.8%) o blant a phobl ifanc wedi cofrestru gyda'r deintydd, roedd pob un o'r plant hyn o dan 2 oed.

Sylw: Ni chofrestrwyd 6 o blant yn eu hadolygiad ond mae 4 wedi eu cofrestru wedi hynny a bydd y 2 arall wedi'u cofrestru gyda'r Gwasanaeth Deintyddol Cymunedol ar ôl iddynt ddychwelyd i'r ardal.

23. Mesur Cenedlaethol 30: Nifer a chanran y Plant sy'n Derbyn Gofal a oedd wedi cael eu gweld gan ddeintydd o fewn 3 mis ar ôl cael eu derbyn i ofal.

Wedi cael eu gweld gan ddeintydd

Mae'r data ar gyfer cael eu gweld gan ddeintydd cyn pen 3 mis ar ôl derbyn gofal yn ymwneud â 10 o blant.

- Cofnododd 6 (60.00%) adolygiad fod y plentyn / person ifanc wedi cael ei weld gan ddeintydd cofrestredig cyn pen 3 mis ar ôl dod yn blentyn sy'n derbyn gofal.
- Cofnodwyd nad oedd 4 (40.0%) o blant a phobl ifanc wedi cael gwiriadau deintyddol cyn pen 3 mis ar ôl dod yn blentyn sy'n derbyn gofal.


Sylw: Pandemig parhaus Covid19. Nid yw apwyntiadau arferol yn digwydd. 3 Wedi'u cofrestru gyda deintyddion preifat, nid Gwasanaeth Deintyddol Cymunedol ac 1 yn byw y tu allan i'r ardal.

Wedi cael eu gweld gan ddeintydd

Targed a Bennwyd 90% - Targed a gyflawnwyd 51.3%

Mae'r data ar gyfer y dangosydd perfformiad hwn yn ymwneud â 39 o blant / pobl ifanc gan fod 19 o blant / pobl ifanc o dan 2 oed a / neu'n cael eu Hadolygiadau cyntaf ac fe'u diystyrwyd i gyd-fynd â gofynion Mesurau Cenedlaethol.

- Cofnodwyd bod 20 (51.3%) o blant a phobl ifanc wedi cael gwiriad deintyddol yn ystod y 12 mis blaenorol, sy'n cymharu â 73.9% yn y chwarter blaenorol.
- Cofnodwyd nad oedd 19 (48.7%) o blant a phobl ifanc wedi cael gwiriadau deintyddol.



Sylw: Pandemig parhaus Covid19. Cysylltodd Tîm Iechyd plant sy'n derbyn gofal â Rheolwr Gwasanaeth y Gwasanaeth Deintyddol Cymunedol i godi pryder nad yw plant sy'n derbyn gofal wedi cael apwyntiadau arferol am fwy na 12 mis. Ymateb gan Wasanaethau Deintyddol Cymunedol yw bod canllawiau Llywodraeth Cymru yn nodi nad ydyn nhw'n cynnal apwyntiadau arferol, er ei fod yn dweud os ystyrir bod angen unrhyw driniaeth yna gallant ei gwneud. Fe wnaethant nodi, os yw'n ofynnol bod plentyn sy'n derbyn gofal yn cael ei weld, yna gellir cysylltu â'r clinig. Hysbysir yr holl staff, os ydynt yn cael galwad ffôn a bod y plentyn yn derbyn gofal, yna dylid cadw apwyntiad iddo yn y clinig priodol.

24. Mesur Cenedlaethol 31: Canran y Plant sy'n Derbyngofal a oedd wedi'u cofrestru â Meddyg Teulu o fewn 10 diwrnod gwaith ar ôl dechrau'r lleoliad

- Mewn 17 (89.5%) adolygiad cofnodwyd bod y plentyn wedi'i gofrestru â darparwr gwasanaethau meddygol cyffredinol o fewn 10 niwrnod gwaith ar ôl dechrau'r lleoliad.
- Nododd 2 adolygiadau fod y cam hwn yn parhau i fod heb ei wneud, roedd hwn yn gam y cytunwyd arno gan yr Adolygiad.

Sylw: Mae Nyrs Iechyd plant sy'n derbyn gofal wedi dweud bod y 2 blentyn hyn wedi cofrestru gyda meddyg teulu yn ddiweddarach yn ardal eu lleoliad. Roeddent wedi'u cofrestru â meddyg teulu ar adeg yr adolygiad, ond nid oeddent yn lleol i'r lleoliad.

25. Nifer a chanran y Plant sy'n Derbyn Gofal a oedd wedi'u cofrestru gyda Meddyg Teulu.

Targed a Bennwyd 100% - Targed a gyflawnwyd 100.0%

- Roedd pob un o'r 58 (100.0%) o blant a phobl ifanc wedi'u cofrestru gyda Meddyg Teulu, sy'n gyson â'r chwarter blaenorol.
- Roedd 54 (94.7%) o blant wedi cael eu brechiadau cyfredol.
- Roedd 3 (5.3%) o blant yn hwyr yn cael eu brechiadau; y rhesymau a gofnodwyd oedd: -
 - Nododd 2 adolygiad y byddai brechiadau heb eu gwneud yn cael eu gwneud trwy nyrs ysgol/meddyg teulu.
 - Nododd 1 Adolygiad fod angen cwblhau'r brechiadau.

Diystyriwyd 1 adolygiad gan fod y rhiant yn gwrthod caniatáu i'r plentyn gael ei frechu.

Sylw: Rydym wedi cael diweddariad diweddar gan Nyrs plant sy'n derbyn gofal; mae un person bellach wedi cael brechiadau oedd heb eu gwneud, mae un yn eu gwrthod ac mae un person ifanc wedi'u cael yn rhannol.

26. Nifer a chanran y Plant sy'n Derbyn Gofal yr aseswyd eu bod angen cymorth gan Wasanaethau Iechyd Meddwl Plant a'r Glasoed (CAMHS) a gafodd eu hatgyfeirio ac a dderbyniodd asesiad / gwasanaeth.

Targed: 50%

Gwir Berfformiad


- Cofnododd 8 (13.8%) Adolygiad fod plentyn/person ifanc wedi cael ei atgyfeirio at CAMHS, cadarnhawyd mewn 7 Adolygiad bod yr atgyfeiriad wedi'i dderbyn ar gyfer y plentyn/person ifanc. Cadarnhaodd 1 adolygiad nad oedd yr atgyfeiriad wedi'i dderbyn.
- Mewn 52 (100.0%) adolygiad, cofnodwyd bod iechyd meddwl/emosiynol y plant/pobl ifanc wedi'i ystyried yn yr Asesiad Iechyd a/neu wrth drafod yn y cyfarfod.

Cofnododd 6 adolygiad fod y plentyn / person ifanc yn rhy ifanc, felly diystyriwyd y rhain.

27. Natur y Ddarpariaeth Addysg:

Yn ystod y chwarter hwn, dyma oedd y ddarpariaeth addysg ar gyfer y plant a'r bobl ifanc a adolygwyd.

Ddarpariaeth Addysg	
Disgyblion ysgol gynradd	20
Disgyblion ysgol uwchradd	18
Plant cyn-ysgol	14
Coleg	3
Heb fod mewn addysg, gwaith na hyfforddiant (NEET)	1
Preswyl	1
Prosiectau eraill-Lleoliad Gwaith Arbenigol	1
Uned Cyfeirio Disgyblion	
Addysg heblaw yn yr ysgol	
Wedi gadael ysgol	
Tiwtora	
Addysg Ddewisol yn y Cartref	
Cyflagedig	
Cyfanswm	58



28. Nifer a chanran y Plant sy'n Derbyn Gofal o oed ysgol oedd â Chynllun Addysg Personol o fewn 20 diwrnod ysgol ar ôl cael eu derbyn i ofal neu ar ôl dechrau mewn ysgol newydd.

Targed a Bennwyd 70% - Targed a gyflawnwyd 94.1%

Mae'r data ar gyfer y dangosydd perfformiad hwn yn ymwneud â 34 o blant / pobl ifanc a oedd o oedran ysgol gorfodol ac felly'n gymwys i gael Cynllun Addysg Personol.

- Roedd 32 (94.1%) o'r plant a phobl ifanc dros yr oedran statudol i ddechrau ysgol yn meddu ar Gynllun Addysg Personol cyfredol.
 - Cofnododd 12 (85.7%) adolygiad fod y Cynllun Addysg Personol wedi'i gwblhau ymhen 20 diwrnod ysgol ar ôl cael eu derbyn i ofal neu o fewn 20 diwrnod gwaith ar ôl symud i ysgol newydd yn unol â'r gofynion.
 - Cofnododd 20 (100.0%) adolygiad fod gan y person ifanc Gynllun Addysg Personol cyfredol.
 - Cofnododd 2 (14.3%) adolygiad na chwblhawyd Cynllun Addysg Personol y person ifanc cyn pen 20 diwrnod; fodd bynnag, roedd y Cynllun Addysg Personol ar waith ar gyfer y ddau person ifanc hyn yn fuan wedi hynny.
- ***
- Roedd gan 9 (25.0%) o blant a phobl ifanc a oedd yn mynd i'r ysgol/ coleg angen dysgu ychwanegol wedi'i gydnabod.
- ***
- Roedd 9 (26.5%) adolygiad o'r farn bod y plant / pobl ifanc sy'n mynychu'r ysgol/ coleg yn cyflawni llai na'u gallu yn eu haddysg. Ym mhob un o'r 9 (100.0%) adolygiad cofnodwyd bod y pobl ifanc yn cael cymorth.
- ***
- Mewn 17 (100.0%) adolygiad nodwyd bod y ddarpariaeth addysg wedi'i sefydlu pan ddechreuodd y lleoliad.
- Ni nododd yr un o'r adolygiadau y bu cyfnod pan oedd y plentyn / person ifanc heb fod mewn addysg am gyfnod wrth aros am le mewn ysgol.

29. Mesur Cenedlaethol 32: Canran y Plant sy'n Derbynn Gofal sydd wedi symud i ysgol arall, ac eithrio trefniadau pontio

Targed a Bennwyd 0% - Targed a gyflawnwyd 5.9%

- Mewn 2 (5.9%) adolygiad cofnodwyd bod y plentyn / person ifanc wedi symud i ysgol arall ac nad oedd yn symud yn sgil pontio, o gymharu â 0.0% yn y chwarter blaenorol.

30. Nifer a chanran y Plant sy'n Derbynn Gofal a gafodd eu gwahardd o'r ysgol

Targed a bennwyd 12% yn cael gwaharddiad dros dro – Targed a gyflawnwyd 0.0%

Targed a bennwyd 1% yn cael gwaharddiad parhaol – Targed a gyflawnwyd 0.0%

- Mewn 0 adolygiad (0.0%) adroddwyd bod y person ifanc wedi'i wahardd o'r ysgol dros dro yn ystod y cyfnod adolygu. Mae hyn yn cymharu â 2.5% yn y chwarter blaenorol.
- Ni adroddwyd mewn dim adolygiad (0.0%) fod y person ifanc wedi'i wahardd yn barhaol o'r ysgol, sy'n gyson â'r chwarter blaenorol.

Ni chafwyd dim gwaharddiadau yn ystod y cyfnod hwn ond roedd hybiau gofal plant.

ADRAN TRI

YMGYNGHORI A CHYFRANOGI

- Dangosydd Perfformiad Lleol: Nifer a chanran y Plant sy'n Derbyn Gofal a oedd yn ddigon hen ac yn meddu ar ddigon o grebwyll fel bod Gweithiwr Cymdeithasol wedi gallu ymgynghori â hwy neu roeddent yn bresennol yn eu cyfarfod adolygu**

Targed a Bennwyd 100% – Targed a gyflawnwyd 100.0%

Mae'r data ar gyfer y dangosydd perfformiad hwn yn ymwneud â 42 adolygiad oherwydd cofnodwyd mewn 6 adolygiad nad oedd y plant / pobl ifanc yn ddigon hen nac yn meddu ar ddigon o grebwyll i fod yn rhan o'r broses ymgynghori, er bod 5 o'r rhain wedi bod yn bresennol yn yr adolygiad.

- Cofnodwyd mewn 42 (100.0%) adolygiad fod ymgynghori wedi digwydd

Dadansoddiad o'r ymgynghori

Bu 18 plentyn / person ifanc yn bresennol yn eu cyfarfod adolygu drwy Teams.

Roedd 24 plentyn / person ifanc wedi cwblhau papurau ymgynghori a/neu roedd gweithwyr proffesiynol, rhieni, gofawyr neu eiriolwyr wedi'u cynrychioli yno.

- Ni chysylltodd y Swyddog Adolygu Annibynnol yn uniongyrchol â dim plant / pobl ifanc yn ystod y cyfnod adolygu tu hwnt i'r cyfarfod adolygu.

- Dangosydd Perfformiad Lleol: Nifer a chanran y plant a oedd yn gwybod am eu hawl i gael Gwasanaeth Eirioli / Cynllun Ymwelydd Annibynnol**

Targed a Bennwyd 100% - Targed a gyflawnwyd 100.0%

Mae'r data ar gyfer y dangosydd perfformiad hwn yn ymwneud â 41 adolygiad oherwydd cofnodwyd mewn 17 adolygiad nad oedd y plant / pobl ifanc a adolygwyd yn ddigon hen nac yn meddu ar ddigon o grebwyll i gael gwybod am eu hawl i gael Eiriolwr / Cynllun Ymwelydd Annibynnol, ac felly fe'u diystyriwyd o'r ffigyrau.

- Hysbyswyd pob un o'r 41 (100.0%) o blant / pobl ifanc am eu hawl i gael Eiriolwr / Cynllun Ymwelydd Annibynnol a gwnaed atgyfeiriad. Cafodd 1 plentyn arall a oedd yn iau na 5 mlwydd oed ei atgyfeirio hefyd i'r gwasanaeth.

3 **Dangosydd Perfformiad Lleol: Nifer a chanran y Plant a gafodd wybod am y Weithdrefn Gwyno.**

Targed a Bennwyd 100% - Targed a gyflawnwyd 97.2%

Mae'r data ar gyfer y dangosydd perfformiad hwn yn ymwneud â 36 adolygiad oherwydd cofnodwyd mewn 2 adolygiad nad oedd y plant / pobl ifanc yn ddigon hen nac yn meddu ar ddigon o grebwyll felly fe'u diystyriwyd o'r ffigyrau.

- Roedd 35 (97.2%) plentyn / person ifanc yn gwybod am y drefn gwyno, o gymharu â 97.4% yn y chwarter blaenorol.
- Roedd angen i'r Gweithiwr Cymdeithasol roi gwybod i 1 (2.8%) plentyn / person ifanc am y weithdrefn gwyno.

4 **Dangosydd Perfformiad Lleol: Nifer a chanran y rhieni y bu i'r gweithiwr cymdeithasol ymgynghori â hwy cyn yr adolygiad neu a fu'n bresennol yn y cyfarfod adolygu**

Targed a Bennwyd 80% - Targed a gyflawnwyd 100.0%

Mae'r data ar gyfer y dangosydd perfformiad hwn yn ymwneud â 51 adolygiad oherwydd cofnodwyd mewn 8 adolygiad nad oedd y rhieni yn rhan o'r broses adolygu statudol, ac felly fe'u diystyriwyd o'r ffigyrau.

- Cwblhaodd 51 (100.0%) o rieni bapurau ymgynghori, neu roeddent wedi cwrdd neu siarad â'r Swyddog Adolygu Annibynnol cyn a / neu ar ôl y cyfarfod adolygu, a / neu roeddent wedi bod yn bresennol yn y cyfarfod adolygu eu hunain, a / neu roedd gweithwyr proffesiynol wedi'u cynrychioli yno.

Dadansoddiad o'r ymgynghori

Anfonwyd Papurau Ymgynghori ar gyfer 50 adolygiad, ffoniodd y Swyddog Adolygu Annibynnol y rhiant am 1 adolygiad arall.

Mewn 39 adolygiad cadarnhawyd bod y rhieni'n bresennol, neu wedi siarad â'r Swyddog Adolygu Annibynnol dros y ffôn cyn a/neu ar ôl yr adolygiad.

5 **Dangosydd Perfformiad Lleol: Nifer a chanran y gofalwyr maeth y bu i'r gweithiwr cymdeithasol ymgynghori â hwy neu a fu'n bresennol yng nghyfarfod adolygu'r plentyn.**

Targed a Bennwyd 100% - Targed a gyflawnwyd 100.0%

Mae'r data ar gyfer y dangosydd perfformiad hwn yn ymwneud â 50 adolygiad oherwydd cofnodwyd mewn 8 adolygiad bod y plentyn wedi'i leoli â rhiant neu roedd yn byw'n annibynnol, felly diystyriwyd yr adolygiadau hyn yn y ffigyrau.

- Cwblhaodd 50 (100.0%) o ofalwyr maeth bapurau ymgynghori a / neu buont yn bresennol yn yr adolygiadau yn ystod y cyfnod hwn.

6 **Dangosydd Perfformiad Lleol: Nifer a chanran y cynrychiolwyr ieched a fu'n bresennol mewn adolygiad neu a anfonodd adroddiad**

Targed a Bennwyd 100% - Targed a gyflawnwyd 86.2%

- Mewn 50 (86.2%) adolygiad cadarnhawyd bod gwybodaeth am ieched ar gael ar gyfer y cyfarfod.
- Cadarnhaodd 8 (13.8%) adolygiad nad oedd dim gwybodaeth ieched ar gael ar gyfer y cyfarfod.

Sylwadau: 3 wedi'u gosod y tu allan i'r ardal. Mae Nyrsys Ysgol wedi cael eu hadleoli yn barhaus oherwydd rhaglen frechu pandemig Covid19.

7. **Dangosydd Perfformiad Lleol: Nifer a chanran y cynrychiolwyr ysgol a fu'n bresennol mewn adolygiad neu a anfonodd adroddiad**

Targed a Bennwyd 100% - Targed a gyflawnwyd 100.0%

- Roedd gan 42 (100.0%) adolygiad gynrychiolydd ysgol yn mynychu neu'n rhoi adroddiad ysgrifenedig, sy'n gyson â'r chwarter blaenorol.

8. **Dangosydd Perfformiad Lleol: Nifer a chanran y Dogfennau Adolygu Plant sy'n Derbyn Gofal a gwblhaodd y Gweithiwr Cymdeithasol cyn yr adolygiad**

Targed a Bennwyd 100% - Targed a gyflawnwyd 72.4%

- Mewn 42 (72.4%) adolygiad cadarnhawyd bod y gweithiwr cymdeithasol wedi cwblhau'r ddogfen adolygu cyn y cyfarfod adolygu, o gymharu â 68.3% yn y chwarter blaenorol.
- Mewn 16 (27.6%) adolygiad cadarnhawyd nad oedd y ddogfen adolygu wedi'i chwblhau gan y gweithiwr cymdeithasol cyn yr adolygiad; ac nid yw 4 o'r dogfennau hyn wedi'u cwblhau.

Sylw: Mae'r perfformiad o ran cwblhau gwaith papur ynghylch Plant sy'n Derbyn Gofal mewn modd amserol yn parhau i beri pryder. Mae hyn oherwydd problemau staffio yn y Timau Gwaith Cymdeithasol, sy'n parhau i gael effaith ar wella'r perfformiad hwn. Fodd bynnag, mae angen i arferion da yn y maes perfformiad hwn fod yn flaenoriaeth o hyd.

**ADRAN PEDWAR:
PROTOCOL DATRYS PROBLEMAU**

Ni weithredodd y Swyddog Adolygu Annibynnol y Protocol Datrys Problemau ar gyfer unrhyw blentyn yn ystod y cyfnod hwn.

Er y nodwyd nad oedd adolygiadau canol cyfnod yn cael eu cynnal, lle bo angen, roedd y Swyddog Adolygu Annibynnol yn dwyn adolygiadau ymlaen pan oedd pryderon.

**ADRAN PUMP
GWERTHUSO**

Nid oedd y wybodaeth hon ar gael ar gyfer y chwarter hwn

ADRAN CHWECH**CYNLLUNIAU LLWYBR**

Ar gyfer pobl dros 16 oed a heb fod yn Blant sy'n Derbyn Gofal / pobl dros 18 oed sydd wedi gadael gofal

Cynhaliwyd 25 adolygiad o Gynlluniau Llwybr yn ystod y chwarter hwn.

1. Dangosydd Perfformiad: Canran yr Adolygiadau o Gynlluniau Llwybr a gynhaliwyd o fewn y terfynau amser

- Cynhaliwyd 20 adolygiad (80.0%) o Gynlluniau Llwybr o fewn y terfynau amser, sy'n gyson â'r chwarter blaenorol.
- Cynhaliwyd 5 adolygiad (20.0%) o Gynlluniau Llwybr y tu allan i'r amserlenni. Y rhesymau a gofnodwyd oedd nad oedd yna Swyddog Adolygu Annibynnol (IRO); penodwyd IRO asiantaeth yn nechrau mis Chwefror.

2. Dangosydd Perfformiad: Canran y bobl ifanc ag Ymgynghorydd Personol / Gweithiwr Cymdeithasol dynodedig

- Ym mhob un o'r 25 adolygiad (100%) nodwyd bod gan yr holl bobl ifanc Ymgynghorydd Personol a / neu Weithiwr Cymdeithasol dynodedig.

3. Dangosydd Perfformiad: Canran y Cofnodion Adolygu Cynlluniau Llwybr a oedd wedi'u cwblhau erbyn y cyfarfod

- Roedd y cofnod adolygu wedi'i gwblhau erbyn y cyfarfod ar gyfer 25 (100%) o adolygiadau Cynlluniau Llwybr, o gymharu â 90% yn y chwarter blaenorol.

4. Dangosydd Perfformiad: Canran y bobl ifanc yr ymgynghorwyd â hwy ar gyfer y Cyfarfod Adolygu

- Cadarnhawyd mewn 20 adolygiad (80%) y bu'r bobl ifanc yn bresennol yn y cyfarfod adolygu a / neu fod rhywun wedi'u cynrychioli yno.
- Cofnodwyd mewn 5 adolygiad (20%) nad oedd neb wedi cynrychioli barn y bobl ifanc yn y cyfarfod.

5. Dangosydd Perfformiad: Canran y bobl ifanc a oedd yn bresennol yn eu Cyfarfod Adolygu

- Mewn 7 adolygiad (28%) cofnodwyd y bu'r person ifanc yn bresennol yn y cyfarfod adolygu. Mewn 1 adolygiad arall cofnodwyd y bu'r person ifanc yn bresennol am ychydig iawn o amser.
- Mewn 17 adolygiad (68%) cofnodwyd na fu'r person ifanc yn bresennol yn y cyfarfod adolygu.

6. Dangosydd Perfformiad: Canran y Cynlluniau Llwybr a fodlonai anghenion y bobl ifanc

- Mewn 24 adolygiad (96%) cadarnhawyd bod y Cynllun Llwybr yn bodloni anghenion y person ifanc dan sylw.
- Mewn 1 adolygiad (4%) cofnodwyd na wyddys a oedd y Cynllun Llwybr yn bodloni anghenion y person ifanc dan sylw neu beidio.

7. Dangosydd Perfformiad: Canran y Cynlluniau Llwybr a ddiweddarwyd cyn gadael gofal / troi'n ddeunaw oed

- Nid oedd yr un person ifanc yn y categori o fod angen diweddarau'r Cynllun Llwybr cyn i'r person ifanc adael gofal / troi'n ddeunaw oed.

8. Gwerthuso – Nid oedd y wybodaeth hon ar gael ar gyfer y chwarter hwn.

ADRAN SAITH

PRESWYL (NAD YDYNT YN BLANT SY'N DERBYN GOFAL)

Ni chynhaliwyd dim adolygiadau o leoliadau preswyl yn ystod y cyfnod dan sylw ar gyfer plant nad ydynt yn derbyn gofal.

ADRAN WYTH

SEIBIANNAU RHEOLAIDD

Ni chynhaliwyd dim adolygiadau o seibiannau rheolaidd yn ystod y chwarter hwn.

ADRAN NAW

SEIBIANNAU BYR

Ni chynhaliwyd dim adolygiadau o seibiannau byr yn ystod y cyfnod dan sylw.

ADRAN DEG
ADOLYGIADAU O OFALWYR MAETH

Cynhaliwyd 2 adolygiad o Ofalwyr Maeth yn ystod y cyfnod dan sylw.

1 Dangosydd Perfformiad: Nifer a chanran yr Adolygiadau o Ofalwyr Maeth a gynhaliwyd o fewn y terfynau amser statudol

- Ni chafodd yr un o'r ddau adolygiad eu cynnal o fewn y terfynau amser a hynny am nad oedd Cadeirydd Annibynnol.

2 Dangosydd Perfformiad: Canran yr ymgynghoriadau a dderbyniwyd oddi wrth y Gweithiwr Cymdeithasol Plant sy'n Derbyn Gofal

- Darparodd y Gweithiwr Cymdeithasol Plant sy'n Derbyn Gofal ymgynghoriad ar gyfer 1 adolygiad (50%) Gofalwr Maeth.

3 Dangosydd Perfformiad: Canran yr ymgynghoriadau a dderbyniwyd oddi wrth blant

- Ni chafwyd yr un ymgynghoriad oddi wrth blant.

4 Dangosydd Perfformiad: Canran yr Adroddiadau a dderbyniwyd gan Weithwyr Cymdeithasol sy'n Goruchwylio

- Derbyniwyd adroddiadau gan y Gweithiwr Cymdeithasol sy'n Goruchwylio ar gyfer y ddau adolygiad (100%).

5 Dangosydd Perfformiad: Canran yr Adolygiadau oedd wedi gallu gwneud yr hyn y bwriadwyd iddynt wneud

- Cadarnhawyd bod y ddau adolygiad (100%) wedi gallu gwneud yr hyn y bwriadwyd iddynt wneud.

6 Dangosydd Perfformiad: Canran y lefel o fodlonrwydd o ran y gwasanaeth a dderbyniwyd gan y Gwasanaeth Lleoli Teuluoedd

- Nododd y ddau adolygiad (100%) fod y Gofalwyr Maeth yn 'fodlon iawn' ar y gwasanaeth a dderbyniwyd gan y Gwasanaeth Lleoli Teuluoedd.